

Шарма гор

Кузь нэм да бур шуд!

Эжва йывса войтырлөн газет




Петö 1929 восянь

Субöта, 2013 вося октябр 26 лун 128 (10715)-öд №

Кыдзи олан, сідзи и нималан (коми шусьöг)

Эжва йывлөн слава Александр Семенович Касев



Чужис 1937 вося май 27 лунö Кирдаын. Уджалис «1 мая» колхозын, Вочса госпромхозын. 23 во лэптис керкаяс 494 да 1202 номера ПМК-ын. Социалистической ордйысьöм-ын вермысь. Вöли Канава сиктсöветса депутатöн.

Гöтырыскöд быдтис да велöдис нель челядьöс.

Уна вося бур уджысь сетисны «Уджывса ветеран» медаль, уна почёт грамота.

Олö Кулöмдинын.

АСКИ — АВТОМОБИЛЬНОЙ ТРАНСПОРТ ВЫЛЫН УДЖАЛЫСЬЯСЛÖН ЛУН



Юрсиктсаян Аныбö, Донö, Кебангельбö, Паспомö мунысь-локтысьяслы бура тöдса водитель Александр Васильевич Шустов, кодi уджалö предприниматель И.В.Ракин дорын. Локтö ас кадö, автобусыс век сöстöм да шоньд. Ачыс вежавидзысь, кывкутысь, тöдö туй вылысь быд гуран да мылык, йöзöс нуö видзчысьöмöн, оз тэрмась. Руль сайын 20 во нин. Водзти новлөдлiс уджалысьясöс вör заптан котыръясын.

- Водительлөн удж зэв сьöкыд. Ме кывкута мунысь-локтысьяслөн олöм вöсна. Колö лоны сьöбөн, бура тöдны туйывса правилöяс да выльпыр-

тöмъяс, вежсьöмъяс. Бура донъяла, мый кыпöдисны код юра водитель-яслы штрап. Машиналөн лыд ёна содiс, правилöяс колö пыдди пуктыны быдöнлы. Уджала кыпид руөн. Миянлы лöсьöдöма ставсö, мед мыскавны да дзоньтавны техника. И.В.Ракин бура могмöдö и запчасьгьясөн. Уджын падмөггьяс абуöсь. Сиа став водительлы ён дзоньвидзалун, шылыд туйяс, лочки ветлöм, семьясын лада олöм, - туйö петтöдз сёрнитiс А.В.Шустов.

Гижöд да снимок
Марина ДАДАШОВАЛÖН.

ТÖДÖЙ, МЫЙ ВЫЛЫС

И СКÖТ КАРТА, И НАЧКЫСЯНИН

Вылыс Вочысь крестьянин овмöс кутысь да грант босьтысь Виктор Михайлович Королёвлөн 10 мöс, вит кук.

Нель мöс ньöбис сиктсаяслысь. Помöдз вайöдис 10 юр вылö гид, кодöс кыпöдлiс кольöм воын. Регыдъя ньöбас бур мöсьясöс, водзö вылö кыпöдас начкысянин, 20 мöс да 20 кукань вылö гид. Мовпалö лэптыны и вына кöрым вöчанiн.

ЛЭПТАСНЫ ТЕЛЕВЫШКА

Телевышкалы подув дасьтöны Пожöгын Мале грездорса чурк йылö. Сы отсöгөн татчöс сикт-грездъясын кутас петкöдлыны цифрöвöй телевидение.

ВЕРМАСИСНЫ САЛДАТПУЯС

«Пожöма яг» турбазын мунiс призывникъяслөн лун.

Чукöрмылис сикт-посёлокъясысь том йöзлөн 13 котыр. Петкöдлiсны, тырвийö-ö дасьöсь армияö мунiгкежлö: лыйсисны пасö, разисны да чукöртисны автомат, котралiсны, чеччалiсны, сьылiсны гудок да гитара улö. Медся тэрыбөн да сьöбөн петкöдчис Помöсдинысь «Феникс» котыр, мöдөн лоисны Кулöмдинысь «Патриотгьяс», коймöдөн Донысь «Айму дорйысьяс». Налы вичмисны кубокъяс, дипломъяс да медальяс.

ВЫЛЬГОРТЫН АРСЯ ГАЖ

Вильгортын кыпыда мунiс арся гаж.

Рытйысьны чукöртлiсны верстысьяс да олöмаясöс. Нуöдисны конкурс, кöни бöрийсны арся гажлысь корольöс да королеваöс. Наён лоисны 80 арöса А.С.Карманов да 30 арöса А.С.Фадеева. Ставөн ворсисны, сьылiсны да йöктисны Скöрöдумысь «Юрган» ансамбльлөн ворсöм улö. Регыд арся гаж нуодасны и челядьлы.

НИМÖДИСНЫ НЁБДИНСА ВИТТОРÖС

Кулöмдинса шöр школаын мунiс В.А.Савинлысь кывбуръяс медичаа лыддысьяслөн конкурс, кодöс сиисны нималана коми поэтлөн, драматурглөн, гижысьлөн чужöмсянь 125 во тырöмлы.

Кывбуръяс лыддисны 5-8 классъясын велöдчысьяс. Медбура висьталiсны Е.Нестерова да Е.Наумова, мöдөн лоисны Е.Сенькина да Е.Игнатова, коймöдөн - А.Турьева да Ю.Кучева. Ноябрьрн арся каникулгьяс дырйи Е.Нестерова да Е.Наумова ветласны Нёбдинö, кöни мунас Нёбдинса Витторлысь кывбуръяс лыддысьяслөн республикаса конкурс.

ЗУРГИС ВЕЛÖДЧЫСЬÖС

Октябр 23 лунö Кулöмдинса Ленин улича вылын машина зургис ичöt класса велöдчысьöс.

Сийö вуджис туй «зебра» кузя. Водитель казялис сёрөн, вöли вильыд да пыр сувтны эз вермы, но кага эз доймав, бурдöдчанiнö нуны эз ковмы.

Асланым да общ. корреспондентъяс, районлөн сайт вылысь.

УВАЖАЕМЫЕ ЖИТЕЛИ УСТЬ-КУЛОМСКОГО РАЙОНА!

Администрация МР «Усть-Куломский» совместно с информационно-маркетинговым центром предпринимательства (ИМЦП) с. Усть-Кулом организует проведение 29 и 30 октября 2013 г. мастер-класса по теме «Европейские деревья (топиарий)». Приглашаем к участию в мастер-классе специалистов, занятых в сферах народных промыслов и ремесел, и всех граждан, желающих освоить технику топиарий.

Начало занятий 29 октября с 9 часов в районном доме культуры.

По всем организационным вопросам обращаться в ИМЦП с.Усть-Кулом, тел. 93-3-87, а также в отдел экономической и налоговой политики администрации МР «Усть-Куломский», тел. 94-888.

ЧОЛÖМАЛÖМЪЯС

Автомобильной транспорт вылын пыдди пуктана уджалысьяс, ветеранъяс! Пöся чолöмалам тiянöс удж кузя праздникöн - автомобильной транспорт вылын уджалысьяслөн лунöн!

Автомобильной бур йитöд лоö дзик быд сикт-посёлоклы олöм подулөн, сийö йитö öта-мöдыскöд каръясöс да районгьясöс, сэтчöс олысь йöзöс. Сы сайын, кыдзи тi уджаланьыд, абу сöмын йöзöс да предприятиясöс ас кадö транспортөн бура могмöдöм, но и йöзлөн неминучатöг ветлöм.

Тайö лунö ми висьталам ыджыд аттьö налы, кодъяс зильöны сьölöмсянь, вöчöны сьöкыд удж. Торъя аттьöалöм да муöдз копыр ветерангьяслы, кодъяс сетисны ассыныс вын, удж кузя енбиалун автомобильной транспорт юкөн сөвмöдöмö.

Чолöмалам тшöтш и найöс, кодъяслөн эм машина да кодъяс пуксьылöны руль сайö. Автомобиль донаторйысь лоис муна-локтанторйөн, а тайö висьталö, мый сөвмö экономика, бурмö олöм.

Сиа став автомобилисты ён дзоньвидзалун, уджын вермöмъяс да неминучатöг ветлöм.

«Кулöмдин» муниципальной районса юралысь - районса администрацияөн веськöдлысь Д.А.ШАТОХИН.

«Кулöмдин» муниципальной районлөн Советса председатель А.Н.КОНДРАШКИН.

Автомобильной транспортса пыдди пуктана уджалысьяс! Став сьölöмсянь чолöмала тiянöс удж кузя праздникöн, торйөн нин ветерангьясöс, кодъяс пуктисны зэв ыджыд пай районлөн олöмö.

Сиа ён дзоньвидзалун, шуд, семьяын судзсяна, шань олöм. Райсöветса депутат, йöзöс новлөдлан районса котырөн веськöдлысь И.В.РАКИН.

